

A Casa da Cultura de Verín acolle mañá 8 de decembro, ás 18.30 horas, a actividade do *Encontro dixital dos Axóuxeres*, enfocada a nenos/as de máis de 3 anos de idade.

Este ano, *Os Axóuxeres* non serán só un espectáculo para bebés e familias, senón que tamén se poderán ver na tele, no cine, en internet e nos móbiles. Convértense nun proxecto transmedia para estaren presentes en todos os espazos onde as novas xeracións se divirten e se relacionan. Ademais, nesta nova edición, esta iniciativa ven da man de novos personaxes, unha divertida familia de monecos que vive diversas aventuras encol dunha mesa no dormitorio dun neno.

A entrada ao *Encontro dixital dos Axóuxeres* é gratuíta, até completar o aforo. Está organizado pola Secretaría Xeral de Política Lingüística e Verín, por pertencer o Concello á Rede de Dinamización Lingüística, é unha das 35 cidades e vilas galegas polas que xirará este espectáculo audiovisual.

O obxectivo dos *Axóuxeres* é ofrecer para o tempo de lecer actividades nas que se poida participar en familia, que sirvan para reforzar a transmisión da lingua galega nese ámbito.